



**Broj: 14-02-05-04095/16**

**Datum, 29.11.2016.god.**

**Bosna i Hercegovina**  
**Federacija Bosne i Hercegovine**  
**SKUPŠTINA KANTONA SARAJEVO**  
**SARAJEVO**  
n/r, predsjedateljice, **Prof. Ane Babić**

**Predmet: Odgovor na zastupničko pitanje broj: 01-05-31491/16 od 16.11.2016. god.**  
**postavljeno od zastupnika Hameda Aljovića - dostavlja se**

Zastupnik Hamed Aljović na 22. Radnoj sjednici Skupštine Kantona Sarajevo, održanoj dana 14.11.2016. god. u okviru tačke Dnevnog reda "Zastupnička pitanja, inicijative i odgovori" u skladu sa Poslovníkom Skupštine Kantona Sarajevo, postavio je zastupničko pitanje:

" Zbog velikog interesovanja i zabrinutosti roditelja učenika JU OŠ "Velešićki heroji" molim Kantonalnu upravu za inspekcijske poslove da mi odgovori da li JU OŠ "Velešićki heroji" radi po pozitivnim zakonskim propisima, obzirom da je mandat direktoru JU istekao, a školski odbor ne radi a novi direktor i školski odbor nije imenovan, odnosno jesu li dokumenta (potvrde, uvjerenja, svjedočanstva) koje izdaje JU OŠ validna i ako nisu koje aktivnosti će ( je ) poduzeti (poduzela) Uprava za inspekcijske poslove"?

U vezi s postavljenim pitanjem, dostavljamo slijedeći

#### **ODGOVOR:**

Kantonalna uprava za inspekcijske poslove Kantona Sarajevo, putem dežurnog telefona zaprimila je anonimnu prijavu da u JU OŠ "Velešićki heroji" Sarajevo, osoba kojoj je istekao mandat direktora i dalje potpisuje protokol i prima stranke a kao vršilac dužnosti izabrana je druga osoba.

Zaprimljena telefonska prijava inicirala je inspekcijski nadzor koji je po službenoj dužnosti izvršen u sjedištu ustanove dana 24.11.2016. god. od stane kantonalnog prosvjetnog inspektora.



Prilikom vršenja inspekcijskog nadzora konstatovano je slijedeće:

Uvidom u Odluku o imenovanju direktora JU OŠ "Velešićki heroji" Sarajevo, broj: 06-1102/12 od 14.08.2012. god. kojom se Jasna Nikšić imenuje na period od 4 godine za direktora škole i Odluku o davanju saglasnosti donesene od strane Vlade Kantona Sarajevo broj: 02-05-20630-7/12 od 26.06.2012. god. kojom se daje saglasnost za imenovanje Jasne Nikšić konstatovano je da je mandat direktoru JU OŠ "Velešićki heroji" Sarajevo istekao sa danom 14.08.2016. god.

U momentu inspekcijskog nadzora, konkurs za izbor i imenovanje direktora nije raspisan prema izjavi lica prisutnom nadzoru, sekretara škole, iz razloga što su dva člana Školskog odbora (predstavnik općine i predstavnici roditelja) na sjednici održanoj dana 10.05.2016. god. podnijeli zahtjev za razrješenje, tako da Školski odbor nema kvorum te ne može donositi odluke. Postupak izbora članova Školskog odbora po javnom pozivu je u toku.

Jasna Nikšić, se dana 18.08.2016. god. nakon isteka perioda na koji je imenovana, obratila Ministarstvu za obrazovanje, nauku i mlade Kantona Sarajevo zahtjevom za razrješenje dužnosti direktora. Na podneseni zahtjev, Ministarstvo nije dostavilo odgovor, odnosno nije donijelo odluku o razrješenju, već je imenovana Rješenjem ministra za obrazovanje, nauku i mlade Kantona Sarajevo broj: 11-05-24647-93/16 raspoređena na poslove nastavnika na predmetima hemija i kultura življenja. Doneseno rješenje se primjenjuje od 01.09.2016. god. i na osnovu istog je zaključen ugovor o radu na neodređeno vrijeme sa nepunom normom.

Dana 01.09.2016. god. ministar za obrazovanje, nauku i mlade Kantona Sarajevo na osnovu člana 19. stav (3) Pravilnika o izboru i imenovanju direktora osnovnih škola u Kantonu Sarajevo ("Sl. novine Kantona Sarajevo" broj 38/12) je donijelo Odluku broj: 11/04-05-26231-1/16 od 01.09.2016 god. kojom se Hadžić Mirsada, uposlenica škole, raspoređena na poslove pedagoga, ovlašćuje da pored redovnih poslova i zadataka svog radnog mjesta, obavlja i poslove direktora za period koji ne može biti duži od šest mjeseci. Škola je Općinskom sudu u Sarajevu podnijela zahtjev za promjenu lica ovlaštenog za zastupanje odnosno zatraženo je da se Mirsada Hadžić upiše u sudski registar, što je sud odbio učiniti.

Dana 30.09.2016. god. Mirsada Hadžić je Ministarstvu za obrazovanje, nauku i mlade Kantona Sarajevo uputila zahtjev kojim traži da se povuče dato joj ovlaštenje za obavljanje poslova direktora i da se ovlasti druga osoba, nakon čega je ministar za obrazovanje, nauku i mlade Kantona Sarajevo udovoljio podnesenom zahtjevu i na osnovu naprijed navedenog pravilnika donijelo Odluku broj: 11/04-34-29056/16 od 11.11.2016. god. kojom je Jasnu Nikšić, prethodnu direktoricu, ovlastilo da pored poslova nastavnika hemije i kulture življenja obavlja i poslove direktora ali ne duže od šest mjeseci.

Napominjemo da je kantonalni prosvjetni inspektor na okolnosti raspisivanja konkursa za izbor i imenovanje direktora škole vršio inspekcijski nadzor dana 25.04.2016. god. i djelovao upravnom mjerom - rješenjem kojim je naređeno JU OŠ "Velešićki heroji" Sarajevo da u skladu sa članom 5. stav (1) Pravilnika o izboru i imenovanju direktora osnovnih škola u Kantonu Sarajevo donese odluku o raspisivanju javnog konkursa za izbor direktora.



U kontrolnom inspekcijskom nadzoru izvršenom dana 19.05.2016. god. utvrđeno je da nije postupljeno po navedenom rješenju, pa je postupajući inspektor pokrenuo prekršajni postupak izdavanjem prekršajnog naloga kojim se škola kažnjava novčanom kaznom u iznosu od 3.000,00 KM, a direktor kao odgovorno lice novčanom kaznom u iznosu od 300,00 KM.

Iz naprijed navedenog može se konstovati da je kantonalni prosvjetni inspektor prilikom vršenja inspekcijskog nadzora postupao u skladu sa ovlaštenjima i poduzeo kako upravne tako i prekršajne mjere. Sam postupak izbora školskog odbora koji je nadležan za donošenje odluke o raspisivanju javnog konkursa za izbor direktora nije u nadležnosti ovog organa.

S poštovanjem,



**DOSTAVITI:**

1. Predsjedateljici Skupštine Kantona Sarajevo
2. Sekretaru Skupštine Kantona Sarajevo
3. Sekretaru Vlade Kantona Sarajevo
4. Evidenciji
5. Arhiva

